

Henny Eman:

DEN COMISION MITO A YEGA NA ACUERDONAN CARDINAL

Pa realizacion di Status Aparte pa Aruba

ORANJESTAD(AAN)—Den e discurso di Mr. Henny Eman durante tratamiento di Cambio di Statuut, a ser splica ta tempo cu AVP tabata den Gobierno Central na 1982 tabata prome biaha Status Aparte a ser poni den programa di gobernacion.

El a splica cu tur hende sa cu despues a resulta cu pa otro motibonan, e partido cu tabata tin mayoria aki na Aruba, no a participa den e gobierno ey. E gobierno a wordo forma cu como programa un opinion di tur partido politico.

A bira Ministro di estructura estatal Mr. Mito Croes cu ta conoci den Reino Hulandes como experto ariba tereno estatal. El a bira ministro pa estructura estatal pa AVP y Hulanda a keda para ariba e punto di bista cu aunque Aruba ta un partner pa conversa avor, Gobierno Central lo mester coopera.

Mr. Henny Eman a splica aki cu pa bo por realiza un Status Aparte ariba un manera pacifico, ariba un manera bon, bo mester di cooperacion di e otro islanan. E ora ey, bao guia di ministro Mito Croes a wordo forma un comision-e comision cu a haya e nomber Comision Mito-caminda tur e partidonan politico di tur e islanan tabata representa. Tambe e partidonan cu no tabata tin asiento den Staten, pero tur e partidonan cu un asiento den Eilandsraad ariba e diferente islanan. Den e comision di Mito a yega na e acuerdonan cardinal cu henter Antillas ta bay sostene Aruba den realizacion di su Status Aparte.

E trabao ey tabata grandi. E grupo di e comision di Mito a haci estudionan profundo ariba tur e puntonan cu mester a wordo cambia y a prepara un protocol pa dia cu yega na conferencia di mesa rondo pa den un tempo record por yega na acuerdonan pa Aruba haya su Status Aparte y no duna problema durante e conferencia.

E problemanan cu a surgi tabata ariba e pregunta propio moneda si of no, y e dis-

cusionnan ey a dura mas cu cuater dia, pasobra e partido cu tabata den gobierno na Aruba tabata desea un moneda Antillano.

"Awe tin como testigo Sr. Michael Kuiperi cu ta diputado, y cu e tempo ey tabata miembro di e comision di independencia y a bay Hulanda como consehero pa e parti comercial/industrial. Y cuanto nos no a discuti na Hulanda pa e conseheronan tuma un actitud mas fuerte y conseha e dirigentenan pa tuma un decision den favor di Aruba, un propio moneda pa Aruba y menos cu ta posibel lasonan ariba tereno economico-financiero.

"Ta solamente atrobe esunnan di Aruba cu tabata tin mayoria a causa e problema ey. Sinembargo na final nos a yega na combenionan fiho. Combenionan cu Aruba lo haya su Status Aparte 1 di januari 1986. Un combenio cu na final a haya sosten di tur partido politico di Aruba cu tabata tin representacion", segun Sr. Eman den su discurso.

El a sigui bisa cu ta deseo di e pueblo su mayoria, expresa na e conferencia di mesa rondo. Tabata e partido cu tin mayoria na Aruba cu a haci tal. Partido AVP y Partido PPA a expresa cu si e partido cu tin mayoria ta insisti ariba e fecha di independencia, no tin problema cu esey. Ta mayoria di pueblo su decision.

"Pero si nos ta di opinion, cu mester mantene e derecho pa e pueblo cu si mañan nan kier pa cualquier motibo adelanta of pospone e fecha di independencia e pueblo di Aruba mester tin e derecho

ey. Esey tabata e ponencia di AVP, sostiene door di e otro partidonan den oposicion sin excepcion. E mesun AVP pa

salvaguardia e mesun interesnan aki a entrega na Hulanda un amienda den e mesun sentido. Si AVP no a bin cune nada lo a sosode. E cambio lo a pasa Tweede Kamer, Eerste Kamer y Staten y ningun hende lo no a papia ariba dje. Ta AVP a bin cu sugerencia pa seguridad maximo pa e pueblo Arubano pa implanta na e momento ey na Hulanda, cu nos ta acepta 96 como fecha di independencia, mirando e deseo di e mayoria, pero na otro banda e pueblo mester tin e derecho di adelanta of pospone e fecha aki.

E amienda aki a haya sosten

di tur partido di Aruba. Nos ta lamenta cu na caminda mayoria a laga e sosten aki bay, pasobra lo tabata naturalmente mas facil den futuro si nos lo no haya nos dilanti hulandesnan cu ta bisa: "Si, pero mayoria di e tempo ey a kita e sosten pa e amienda".

"Ta pa e motibo ey nos a bisa cu pa segura e futuro di e pueblo Arubano ariba e punto aki, nos lo bin cu un mocion den Staten y nos lo bin cu un mocion den Eilandsraad. Y den ambos mocion-cu ta casi literalmente mescos--tin poni cu aki, caminda cu nos lo vota, den Staten y den Eilandsraad, caminda cu nos tin vos, aki nos kier anuncia pa mundo sa, cu si mayan e pueblo ta desea di pospone e




fecha pa medio di un referendum, cu esaki por. Mi ta contento di tende cu a partido cu tin mayoria ainda ta dispuesto pa papia ariba e mocion den Eilandsraad tambe", Sr. Henny Eman a laga sa.


El a laga sa cu e deseo ta pa e mocion wordo entrega unanimamente den parlamento pa muestra e hulandesnan cu caminda politiconan di Aruba por vota, nan a vota pa e derecho ey pa e pueblo di Aruba. Ni de Tweede Kamer ni den Eerste Kamer no por a vota, pero por a comenta, y por a propone un amienda, pero politiconan di Aruba no por a vota. Aki na Aruba si por vota", el a laga sa.

MUEBLES "AMI" A HABRI SU PORTA den


DEN WILHEMINASTRAAT SEGUNDA CAYA PRINCIPAL DI ORANJESTAD




KASHI PAÑA
2 porta Fls.298,00



SET DI CAMBER
Fls. 1395,-




STOEL di ZOYA
Fls. 89,00




KASHI CUSHINA
Fls. 245,00

SET DI SALA PURO PALO 495,00
SET di COMEDOR PURO PALO 290,00
STOOF DI GAS 690,00
JUNIOR BED 149,00



CAMA pa BABY
Fls. 195,00



COMODE pa BABY
Fls. 239,00

PA ULTIMO VIDEO FILMS

TV - VIDEO REPAIR

PIEDRA PLAT ENTERPRISES

Wilhelminastr. 115

JEL: 27733

Porfin nos tin Un Muebleria di calidad na Playa PURO MADERA cu GARANTIA.